

**ZAPISNIK O RADU 19. SJEDNICE  
GRADSKOG VIJEĆA GRADA SARAJEVA  
ODRŽANE 26.09.2018. GODINE U VIJEĆNICI**

Broj: 01-GV-02-1001 /18

Datum: 26.09.2018. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.** Prisutni su bili sljedeći gradski vijećnici:

- |                         |                            |
|-------------------------|----------------------------|
| 1. Mr. Hazim Bahtanović | 15. Prof.dr. Velija Katica |
| 2. Bajro Biber          | 16. Miro Lazović           |
| 3. Mr. Vedad Deljković  | 17. Almedin Miladin        |
| 4. Vedran Dodik         | 18. Snežana Omukić         |
| 5. Mr. Tea Mušić        | 19. Barbara Peleš Stroil   |
| 6. Samir Fazlić         | 20. Mr. Srđan Simonović    |
| 7. Edina Gabela         | 21. Srđan Srdić            |
| 8. Dr. Igor Gavrić      | 22. Mr. Sead Srna          |
| 9. Nuko Grebović        | 23. Dado Stojnić           |
| 10. Adnan Gušo          | 24. Adnan Talić            |
| 11. Reuf Hafizović      | 25. Nihad Uk               |
| 12. Mr. Vibor Handžić   | 26. Lana Velić             |
| 13. Sanela Holjan       | 27. Toni Vukadin           |
| 14. Mira Jurić          | 28. Mr. Miroslav Živanović |

Pored gradskih vijećnika, sjednici su prisustvovali:

1. Mr. Abdulah Skaka, Gradonačelnik
2. Milan Trivić, zamjenik Gradonačelnika,
3. Safet Krajišnik, sekretar Gradskog vijeća,
4. Sanjin Smajlović, pravobranilac Grada Sarajeva
5. Besim Musakadić, zamjenik pravobranioca Grada Sarajeva
6. Amela Kolovrat, pomoćnik Gradonačelnika za finansije,
7. Maja Hadžihalilović, rukovodilac Stručne službe Gradonačelnika,
8. Subha Krajišnik, pomoćnik Gradonačelnika za opću upravu i zajedničke poslove,
9. Elvir Hadžiahmetović, pomoćnik Gradonačelnika za evropske integracije i EU fondove
10. Nedim Tvrković, pomoćnik Gradonačelnika za urbano planiranje, investicije, stambene i komunalne poslove
11. Merima Hadžiabdić, ispred Službe za lokalnu samoupravu i razvoj grada
12. Nedžad Fazlija, ispred Službe za obrazovanje, kulturu, sport i mlade
13. Senahid Godinjak, direktor EYOF, d.o.o Istočno Sarajevo
14. Članovi Komisije za Satatut i akte koji nisu gradski vijećnici (prema evidenciji u Gradskoj službi za Gradsko vijeće)

15. Nedžad Ajnadžić, načelnik Općine Centar Sarajevo
16. Amela Landžo, pomoćnik načelnika za prostorno uređenje, urbanizam i zaštitu okoliša Općine Centar Sarajevo
17. Mustafa Resić, savjetnik načelnika Općine Centar Sarajevo
18. Alma Midžić, ispred organizacije „Crvena“

**Predsjedavajući Gradskog vijeća Igor Gavrić** je pozdravio prisutne gradske vijećnike i goste i otvorio **19. sjednicu Gradskog vijeća Grada Sarajeva**, konstatacijom da sjednici prisustvuje **25** gradskih vijećnika, te da su kašnjenje najavili gradski vijećnik Miroslav Živanović i gradski vijećnik Hazim Bahtanović, te gradska vijećnica Sanela Holjan.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, jednoglasno, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnili), usvojilo je Zapisnik o radu 18. sjednice Gradskog vijeća Grada Sarajeva.

\*\*\*

**Predsjedavajući Gradskog vijeća Igor Gavrić** je podsjetio gradske vijećnike da su, uz predloženi dnevni red sjednice, dostavljeni materijali gradskim vijećnicima, zajedno sa saglasnostima zamjenika Gradonačelnika.

Podsjetio je da su gradskim vijećnicima kao informativni materijal, dostavljeni i

- **Informacija o projektima rasvjete/iluminacije Grada Sarajeva i**

- **Informacija o izvršenju Budžeta Grada Sarajeva za period 01.01.- 30.06.2018. godine**

Upoznao je gradske vijećnike da, na zahtjev Kolegija Gradskog vijeća, sjednici prisustvuje direktor EYOF, d.o.o. Istočno Sarajevo kako bi kao informativni materijal, usmeno prezentirao aktualnosti u vezi sa pripremama i organizacijom Olimpijade mladih - EYOF 2019 u Sarajevu.

Zatim je najavio određivanje o aktima koji su predloženi za razmatranje u formi prijedloga, po proceduri koja zahtjeva izjašnjavanje Gradskog vijeća o prethodnom pitanju.

\*\*\*

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, većinom glasova, izjasnivši se sa 21 glasom “za”, jednim glasom “protiv” i uz jedan “suzdržan” glas prisutnih gradskih vijećnika (dva gradska vijećnika se nisu izjasnili), usvojilo je prijedlog da se Odluka o davanju na korištenje dijela zemljišta na lokalitetu Komplexa „Bijela Tabija”, razmatra u formi prijedloga po skraćenom postupku.

\*\*\*

Upoznao je gradske vijećnike da je, pred početak sjednice Gradskog vijeća, održana sjednica Kolegija Gradskog vijeća na kojoj je Gradonačelnik upoznao članove Kolegija da je uputio Gradskom vijeću na razmatranje, po hitnom postupku, Prijedlog Odluke o izmjenama i dopunama Odluke o pristupanju izradi Regulacionog plana “Soukbunar“, te da je ovaj prijedlog dostupan gradskim vijećnicima kao naknadno upućen materijal.

U raspravi su sudjelovali **gradska vijećnica Snežana Omukić, gradski vijećnik Nihad Uk, gradski vijećnik Velija Katica i gradski vijećnik Samir Fazlić**.

\*\*\*

Poslije pauze, koju je zatražio u ime Kluba gradskih vijećnika Srdić – Stojnić, **gradski vijećnik Srđan Srdić**, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova “za”, pet glasova “protiv” i uz jedan “suzdržan” glas prisutnih gradskih vijećnika (jedan gradski vijećnik se nije izjasnio), usvojilo je prijedlog da se

Odluka o izmjenama i dopunama Odluke o pristupanju izradi Regulacionog plana "Soukbunar" , razmatra u formi prijedloga po hitnom postupku.

\*\*\*

Bez dalje rasprave, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 23 glasa "za", bez glasova "protiv" i uz dva "suzdržana" glasa prisutnih gradskih vijećnika (jedan gradski vijećnik se nije izjasnio), za 19. sjednicu Gradskog vijeća Grada Sarajeva, usvojilo je sljedeći dnevni red:

1. **Prijedlog Odluke o usvajanju Regulacionog plana "Vraca" s Prijedlogom Odluke o provođenju Regulacionog plana "Vraca"**
2. **Prijedlog Odluke o izmjenama i dopunama Odluke o pristupanju izradi Regulacionog plana "Soukbunar"**
3. **Prijedlog Odluke o davanju na korištenje dijela zemljišta na lokalitetu Komplexa „Bijela Tabija"**
4. **Nacrt Odluke o izmjenama i dopunama Odluke o spomenicima od značaja za Grad Sarajevo**
5. **Vijećnička pitanja i inicijative**

**Ad 1) Prijedlog Odluke o usvajanju Regulacionog plana "Vraca" s Prijedlogom Odluke o provođenju Regulacionog plana "Vraca"**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akata Gradonačelnik, te da su dostupna mišljenja nadležnih radnih tijela Odbora za urbanizam i upotrebu lokalnog zemljišta i Komisije za Statut i akte.

U raspravi je sudjelovao **gradski vijećnik Samir Fazlić**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova prisutnih gradskih vijećnika (tri gradska vijećnika se nisu izjasnila), usvojilo je Odluku o usvajanju Regulacionog plana "Vraca" s Odlukom o provođenju Regulacionog plana "Vraca kako je predložena.

**Ad 2)**

**Prijedlog Odluke o izmjenama i dopunama Odluke o pristupanju izradi Regulacionog plana "Soukbunar"**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik te da se odluka razmatra po hitnom postupku.

Obrazloženje za predlaganje predmetnog akta i to po hitnom postupku je dala **Amela Landžo, pomoćnik načelnika za prostorno uređenje, urbanizam i zaštitu okoliša Općine Centar Sarajevo**. U raspravi je sudjelovao **gradski vijećnik Vibor Handžić**, a odgovore na pitanja i dodatna obrazloženja dala je **Arijana Musić, šef odsjeka za urbano planiranje**, te je odgovorila i na pitanje koje je u svojoj diskusiji iznio **gradski vijećnik Samir Fazlić**.

\*\*\*

Poslije pauze, koju je zatražio u ime Kluba gradskih vijećnika Naše stranke, **gradski vijećnik Vibor Handžić**, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 16 glasova "za", dva glasa "protiv" i uz pet "suzdržanih" glasova prisutnih gradskih vijećnika (tri gradska vijećnika se nisu izjasnila), usvojilo je Odluku o

izmjenama i dopunama Odluke o pristupanju izradi Regucionog plana "Soukbunar", kako je predložena.

Ad 3)

**Prijedlog Odluke o davanju na korištenje dijela zemljišta na lokalitetu Komplexa „Bijela Tabija”**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik te da je, uz predloženu odluku, dostupan i izvještaj Komisije za Statut i akte.

Uvodno izlaganje je podnio **Gradonačelnik Abdulah Skaka**.

U raspravi su sudjelovali **gradski vijećnik Vedran Dodik, gradski vijećnik Nihad Uk, gradski vijećnik Toni Vukadin, gradski vijećnik Srđan Simonović i gradski vijećnik Vibor Handžić**. Zatim je **Gradonačelnik Abdulah Skaka** dao dodatna obrazloženja i odgovore na pitanja postavljena ranije u raspravi, ali i kasnije kada su svoja mišljenja, prijedloge i sugestije iznijeli **gradski vijećnik Vedran Dodik, gradski vijećnik Nihad Uk, gradski vijećnik Vibor Handžić, gradski vijećnik Toni Vukadin** koji je predložio određena rješenja za zaključivanje. Raspravu su nastavili svojim diskusijama, odnosno replikama, **gradski vijećnik Vedran Dodik, gradska vijećnica Snežana Omukić i gradski vijećnik Samir Fazlić**. Raspravi se, uz **gradskog vijećnika Tonija Vukadina, pridružio i Gradonačelnik** u smislu traženja rješenja za formulaciju odgovarajućeg prijedloga za zaključivanje Gradskog vijeća, a u tom smislu, raspravu su nastavili i **gradska vijećnica Snežana Omukić, gradski vijećnik Adnana Talić, gradski vijećnik Vedran Dodik i gradski vijećnik Vibor Handžić**, zatim je **Predsjedavajući Gradskog vijeća** najavio pauzu kako bi se formulirao konačan prijedlog zaključka, a prema prijedlozima iznesenim u raspravi.

\*\*\*

Poslije pauze, **gradski vijećnik Toni Vukadin** je iznio konačno formuliran prijedlog zaključka, te je, na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 18 glasova "za", tri glasa "protiv" i uz pet "suzdržanih" glasova prisutnih gradskih vijećnika (jedan gradski vijećnik se nije izjasnio), usvojilo sljedeći **zaključak**:

**Gradsko vijeće Grada Sarajeva zadužuje i ovlašćuje Gradonačelnika da poduzme potrebne radnje, uključujući i radnje vezane za raspisivanje javnog poziva, te da, po provođenju javnog poziva, sklapa pravne poslove u ime Grada Sarajeva sa trećim licima, a u cilju osiguranja, upravljanja, zaštite i održavanja, te obogaćivanja turističke ponude na lokalitetu Bijela Tabija, u dijelu i na način kako je to moguće, imajući u vidu da je Bijela Tabija uvrštena na listu nacionalnih spomenika.**

Uslijedilo je obraćanje **Gradonačelnika Abdulaha Skake**, te je **Predsjedavajući Gradskog vijeća Igor Gavrić** zaključio tačku dnevnog reda.

\*\*\*

Na poziv **Predsjedavajućeg Gradskog vijeća Igora Gavrića, Senahid Godinjak, direktor EYOF 2019, d.o.o. Istočno Sarajevo**, usmeno je upoznao Gradsko vijeće o aktivnostima na pripremi i organizaciji održavanja EYOF 2019. u Sarajevu. Ova informacija je Gradskom vijeću prezentirana kao informativni materijal kako je to ranije i bilo najavljeno.

\*\*\*

#### Ad 4)

#### **Nacrt Odluke o izmjenama i dopunama Odluke o spomenicima od značaja za Grad Sarajevo**

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, te da su, uz predloženu odluku, dostupni i izvještaji Komisije za spomenike i Komisije za Statut i akte, uz napomenu da je Predlagač prihvatio prijedloge Komisije za spomenike.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnila), usvojilo je **zaključak** kojim je **Nacrt Odluke o izmjenama i dopunama Odluke o spomenicima od značaja za Grad Sarajevo** upućen u javnu raspravu kako je to navedeno u zaključku.

#### Ad 5)

#### **Vijećnička pitanja i inicijative**

**Predsjedavajući Gradskog vijeća Igor Gavrić** je najavio razmatranje vijećničkih pitanja i inicijativa i to najprije onih dostavljenih u pisanoj formi uz poziv za sjednicu.

**1. Gradski vijećnik Vedad Deljković** uputio je **vijećničko pitanje** Gradonačelniku - Gradskoj službi za urbano planiranje, investicijske, stambene i komunalne poslove, kako slijedi.

„Da li je i za ovu godinu planirano čišćenje zidova korita rijeke Miljacke koji su ponovo zarasli u korov? Ako jeste, za kada je to planirano i da li se razmatra mogućnost da se ovaj problem riješi u potpunosti?“

**2. Gradski vijećnik Vedad Deljković** uputio je **vijećničko pitanje** Gradonačelniku – Gradskoj službi za Gradsko vijeće, kako slijedi.

„Tražim da mi se dostavi informacija koliko puta su zasjedala stalna radna tijela Gradskog vijeća (komisije i odbori) pojedinačno, od konstituisanja Gradskog vijeća zaključno sa 31.07.2018. godine“.

**3. Gradski vijećnik Vedad Deljković** uputio je **vijećničko pitanje** Gradonačelniku – Gradskoj službi za opću upravu i zajedničke poslove kako slijedi.

„Molim potpunu informaciju o procesu digitalizacije Gradske uprave i Gradskog vijeća Grada Sarajeva, šta je do sada učinjeno, koji su planovi u narednom periodu?“

**4. Komisija za jednakopravnost spolova** uputila je **inicijativu** da Gradsko vijeće donese konkretan zaključak.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), usvojilo je sljedeći **zaključak**:

**Zadužuje se Gradonačelnik, odnosno skupštine gradskih poduzeća da zaduže uprave, da pri zapošljavanju, vode računa o ujednačenoj spolnoj zastupljenosti među uposlenima, kao i o odgovarajućoj zastupljenosti, uposlenih iz reda konstitutivnih naroda i reda ostalih, posebno u rukovodećim strukturama.**

5. Odbor za javne službe, infrastrukturu i javni saobraćaj uputio je **inicijativu** da Gradsko vijeće donese konkretan zaključak.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), usvojilo je sljedeći zaključak:

**Zadužuje se Gradonačelnik da uputi komunalnog inspektora koji će utvrditi kakvi radovi se odvijaju uz korito rijeke Miljacke, na lokalitetu iza Kozije ćuprije, a s cijem prevencije pokretanja klizišta, te da o tome informira Gradsko vijeće.**

6. **Komisija za pitanja mladih** uputila je **inicijativu** da Gradsko vijeće donese konkretan zaključak.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova prisutnih gradskih vijećnika (šest gradskih vijećnika se nije izjasnilo), usvojilo je sljedeći zaključak:

**Zadužuje se Gradonačelnik da informira Komisiju za pitanja mladih o toku realizacije zaključka vezanog za planiranje sredstava u Budžetu Grada Sarajeva za 2019. godinu namjenjenih za projekte od interesa za mlade.**

7. **Komisija za pitanja mladih** uputila je **inicijativu** da Gradsko vijeće donese konkretan zaključak.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 17 glasova “za”, bez glasova “protiv” i bez “suzdržanih” glasova prisutnih gradskih vijećnika (šest gradskih vijećnika se nije izjasnilo), usvojilo je sljedeći zaključak:

**Zadužuje se Gradonačelnik da informira Komisiju za pitanja mladih o toku izrade Strategije za mlade grada Sarajeva, odnosno realizacije Programa rada Gradskog vijeća vezano za ovu temu.**

8. **Komisija za odnose s vjerskim zajednicama i crkvama** je zatražila da se Gradsko vijeće izjasni o **inicijativi** koju upućuje nadležnim organima Kantona Sarajevo:

**“Komisija za odnose s vjerskim zajednicama i crkvama upućuje inicijativu nadležnim organima Kantona Sarajevo da se, na odgovarajući način, riješi problem širenja neugodnih mirisa, odnosno nezdravih isparavanja sa gradske deponije na okolna naselja, kako bi se preveniralo narušavanje zdravlja građana.”**

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika (pet gradskih vijećnika se nije izjasnilo), podržalo inicijativu i ona je postala **inicijativom Gradskog vijeća.**

9. **Gradski vijećnik Dado Stojnić**, uputio je **inicijativu** kako slijedi.



“Pokrećem inicijativu da Gradsko vijeće donese odluku o bratimljenju Grada Sarajeva i Grada Frankfurt na Majni. Pozivam Gradsko vijeće da podrži ovu inicijativu tako da ona postane inicijativom Gradskog vijeća, donošenjem zaključka kojim će zadužiti Gradonačelnika da pokrene potrebne aktivnosti, s ciljem dogovaranja saradnje sa Gradom Frankfurt na Majni, u okviru budućeg sporazuma o saradnji, te predloži Gradskom vijeću donošenje odgovarajućeg akta kojim bi se tako dogovoren sporazum o bratimljenju i formalizirao.

Obrazloženje: Frankfurt na Majni (na njemačkom jeziku: Frankfurt am Main) je s više od 700.000 stanovnika najveći grad u njemačkoj saveznoj zemlji Hessen, poslije Berlina, Hamburga, Minchena i Kelna peti po veličini grad u Njemačkoj. Područje utjecaja procjenjuje se na 2.300.000 stanovnika, a metropolitansko područje na 5.600.000 stanovnika. Nekoć slobodni grad carstva, gdje su se održavali izbori i krunidbe njemačkih careva, Frankfurt je danas jedna od najbogatijih metropola Europe, te bankarski, literarni i kulturni centar u kojem se nalazi sjedište Europske središnje banke i jedno od najvažnijih finansijskih tržišta. Raskrižje je najvažnijih prometnica u Njemačkoj, te jedan od najvećih i najvažnijih prometnih čvorova u Europi. Frankfurtska zračna luka je najveća u Njemačkoj a poslije pariške i londonske treća po veličini u Europi i osma u svijetu. Kao sajamski grad sa svojim mnogobrojnim sajmovima je od svjetskog značaja. Najznačajniji su međunarodni sajam automobila IAA (Internationale Automobil-Ausstellung), koji je najveći stručni automobilski sajam na svijetu, te međunarodni sajam knjiga (Frankfurter Buchmesse). Svojom dugom i bogatom povijesnom tradicijom, divnim spomenicima kulture, brojnim muzejima i galerijama i u njima pohranjenim vrijednim umjetničkim blagom, Frankfurt je izrastao u njemačku i svjetsku kulturnu i gospodarsku metropolu. Prema službenim statističkim podacima iz 2017. godine, Frankfurt ima 695.624 stanovnika. Nijemci čine 51,2 posto, dok su ostatak uglavnom Turci, Bošnjaci, Hrvati, Srbi, Poljaci, Talijani, Marokanci i drugi. Većinom su na privremenom radu ili sa stalnim boravkom u Njemačkoj.“

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika (četiri gradska vijećnika se nisu izjasnila), podržalo inicijativu i ona je postala **inicijativom Gradskog vijeća**.

**10. Gradski vijećnik Srđan Simonović, uputio je inicijativu kako slijedi.**

“Dobio sam informaciju u Općini Stari Grad da je za rekonstrukciju školskog objekta i poboljšanje uslova učenicima u Osnovnoj školi “Saburina”, Gradska uprava, i to Služba za obrazovanje, Služba za međunarodnu saradnju preko projekata obezbijedila vrlo značajna finansijska sredstva. Navodno više od 700.000,00 KM. I molim potpunu informaciju o tome ako može nešto sad, a ako nemaju potpunu informaciju do narednog Vijeća”.

**11. Gradski vijećnik Srđan Simonović, uputio je vijećničko pitanje sljedećeg sadržaja.**

Potrebno je dostaviti odgovor, u pismenoj formi do naredne sjednice Gradskog vijeća, na pitanje: “Gdje i koji vijećnici su putovali i koliko dana, od početka mandata pa do 30.08.2018. godine, ko je bila delegacija koja je putovala sa Gradonačelnikom i vijećnicima?”

**12. Gradski vijećnik Srđan Simonović, uputio je vijećničko pitanje sljedećeg sadržaja.**

Upućuju se pitanja direktoru JP "Sarajevo": "Zašto na žičari ne postoji knjiga žalbi? Ko je osoba koja mi je prodala kartu, izvrjeđala me i dovela u veoma neugodnu situaciju dana 23.08.2018. godine u 09:37? Imam tu sreću ili nesreću da sam gradski vijećnik pa mogu ovdje javno da vas to pitam. Očekujem objašnjenje i izvinjenje od Uprave i misteriozne osobe."

**13. Gradski vijećnik Toni Vukadin**, uputio je **vijećničko pitanje** sljedećeg sadržaja.

Potrebno je odgovoriti na pitanje ko ima pravo zakazati sjednicu radnog tijela u skladu sa Statutom Grada Sarajeva i Poslovníkom Gradskog vijeća?

**14. Gradski vijećnik Toni Vukadin** uputio je **vijećničko pitanje** sljedećeg sadržaja.

Potrebno je odgovoriti na pitanje: "Dokle smo došli sa Strategijom za mlade i sa projektom "Sarajevo Smart City?"

**15. Gradski vijećnik Vibor Handžić**, uputio je **inicijativu** kako slijedi.

„Podnosim vijećničku inicijativu da Grad novčanim sredstvima pomogne učešće našeg najuspješnijeg ženskog fudbalskog kolektiva SFK 2000 Sarajevo u 1/16 finala UEFA Lige prvaka za žene. Obrazloženje: SFK 2000 Sarajevo najuspješniji je bosanskohercegovački ženski fudbalski klub, te je dobitnik brojnih nagrada. U svojoj historiji SFK 2000 Sarajevo proglašen je pet puta najboljim ženskim klubom na području Kantona Sarajevo, a u izboru za najbolje sportiste i sportistkinje Bosne i Hercegovine u 2014. i 2015. godini, SFK 2000 Sarajevo ušao je u najuži izbor za najbolji kolektiv naše države. Također SFK 2000 Sarajevo najuspješniji je ženski fudbalski klub u regiji, sa 14 uzastopnih naslova prvaka BiH, 13 trofeja osvajača Kupa BiH, te su igralice SFK 2000 Sarajevo 13 puta učestvovala u UEFA Ligi Prvaka za žene, od toga su u šesnaestini finala prošle 2009. i 2012. godine. 2016. godine Grad Sarajevo dodijelio je ekipi SFK 2000 i plaketu Grada. U šesnaestini finala igraju i ove godine, i to protiv ženske ekipe engleskog Chelsea. Prvu utakmicu su već odigrale na domaćem terenu, dok danas uzvratnu utakmicu igraju u Londonu. Nažalost, učešće u ovako bitnom takmičenju iziskuje novčana sredstva, a SFK 2000 Sarajevo neprofitabilan klub. Iz tog razloga, podnosim inicijativu da Grad Sarajevo svojim primjerom pokaže kako bi trebalo ulagati i u ženski sport, u koji se u našoj državi još uvijek ne ulaže dovoljno, te da određenim iznosom finansijski pomogne ekipi SFK 2000 za učešće u ovom najprestižnijem evropskom takmičenju. Inače, najveći i troškovi za organizaciju ovog gostovanja su sljedeći: 1. Smještajima u Londonu (cca. 9.000 BAM) 2. Avionske karte (cca. 17.000 BAM) 3. Vize (5.500 BAM)“.

\*\*\*

**Gradski vijećnik Samir Fazlić** je u diskusiji zatražio da Gradska služba za Gradsko vijeće izdvoji sva vijećnička pitanja i inicijative koje je uputio u tekućoj godini, odgovore dostavljene po ovim pitanjima, odnosno inicijativama, te informacije o realizaciji ovih inicijativa.

\*\*\*

**Predsjedavajući Gradskog vijeća Igor Gavrić** je zatim zaključio rad 19. sjednice Gradskog vijeća Grada Sarajeva i najavio održavanje 20. sjednice Gradskog vijeća u srijedu, 24. 10. 2018. godine, a sjednice Kolegija Gradskog vijeća, u pripremi ove sjednice, za 03. 10. 2018. godine.

*Sjednica Gradskog vijeća Grada Sarajeva završena je u 12 sati i 41 minutu.*



Sastavni dio ovog zapisnika je izvornik i tonski snimak o radu Gradskog vijeća koji se čuvaju u Gradskoj službi za Gradsko vijeće.

*SEKRETAR GRADSKOG VIJEĆA*  
*Safet Krajišnik, s.r.*

*PREDSJEDAVAJUĆI GRADSKOG VIJEĆA*  
*Dr. Igor Gavrić, s.r.*